

西 鳧 殘 草
愚 溪 詩 稿
附詞



學園
生活
神祕
圖



愚
溪
詩
稿

張肇煥 著

中
華
書
局

I wt 40 / 1102

叢書集成初編

西甌殘草（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

愚溪詩稿

此據文選樓叢書
本排印初編各叢
書僅有此本

乾隆丙午秋。天子命大興朱公典試江南。時江南北學問之士如陽湖孫淵如、山陽汪瑟菴、嘉定李許齋、金匱徐閔齋、武進張皋文、歙鮑覺生、全椒吳山尊、桐城馬魯陳、皆中式。元亦名列第八。而其哀然居首者。則無爲州張君愚溪也。愚溪時方盛年。學博而才高。文章雄厚。文正公既擊節不置。諸君者亦以其所造詣下之。愚溪公車再上不遇。乃投牒吏部。謁選校官而去。旣而文正公沒。愚溪亦老。其詩出語汗漫無詮次。元甚疑之。戊辰。余再撫浙。愚溪果已先卒。元求其遺詩。靡有存者。讀而悲焉。乃勒爲一卷。梓以行世。愚溪詩初學少陵。而出入晉魏。其樂府則兼取西涯。晚乃變而至眉山。格少遜者。亦其境然也。愚溪未竟其所學。文正公每惜之。況同舉之人哉。

嘉慶十三年夏閏月。年愚弟阮元序。

愚溪詩稿

無爲 張肇煥 景華

讀史樂府

坡下歎

戰固陵、走坡下、四面皆楚歌。左右唯有妾與馬。大風遠來，中夜蕭蕭。美人涕淚盡，烏騅向人長悲號。不可西，不可南，不可北。東復高浪排空立，思念故鄉安可得。蒼天幸憐我，老臣死矣誰爲國。

河源槎

朝辭漢土出大宛，莫乘古木尋河源。河源不見見織女，一片支機贈與汝。汝歸爲我報漢皇，海外異物不可量。犀布玳瑁光陸離，枸醬竹杖皆珍奇。天馬蒲陶亦美產，必欲致之終無涯。窮年累月不可待，請汝但索星宿海，星宿海，竟何在。

恐驚寐

今日高安侯，明日衛將軍。美爵厚祿極一時，衾枕之愛何殷殷。孝哀皇帝真慈仁，禪舜且欲遠法古。割袂自是近法祖，記得舞陽排闥時。禁中獨枕宦者股。

咄咄詞

愚溪詩稿

一戰昆陽再銅馬。蕭王汗血收天下。攀龍附鳳口故人。澤中獨有釣魚者。釣魚者。故有志。使者三反而後至。掉頭赤脚不肯住。朝來仍向富春去。

娥江行

大江之濤何涌洶。浩浩蕩蕩今無終窮。逆波迎神兮舟汎汎。神之來兮巫之功。神不來兮巫羅凶。巫羅凶兮我心忡。欲選尋之將何從。河伯怒兮吼鼉龍。馮夷起兮呼長風。淅淅颼颼兮耳不聞聲與音。目不別西與東。嗟神不仁兮獨我躬。

探虎子

入虎穴。探虎子。廓清漢道。縱橫萬里。關門開。朔風起。烈士莫年壯。心已。

曹大家

叔皮文章東漢初。仲升功名西海隅。孟堅事業復千古。一家父子雄萬夫。天地發洩尚未盡。奇氣更歸曹大家。博學高才竟漢史。后宮人尊爲師儒。才名一時震如此。此爲善讀父兄書。男兒七尺生世閒。不能彎弓射骨都。便可委心向經籍。縱橫上下無攀拘。先世聲價自我起。龍跳虎躍千里駒。趙奢之子長平坑。昌黎之兒金銀車。鬚眉生動亦人表。有書不讀胡爲乎。

趙娥怨

仇人不死我心悲。仇人既死我心灰。思念兒家涕如摧。父沒蕭條里門衰。寡兄弱弟在者誰。賊首雖得空。

爾爲魂兮魂兮長不歸。

孫郎至

赤日燒天金甲光，提刀走馬攻橫江。
橫江旣拔曲阿克，英氣逼人失魂魄。
乘鼓轉鬪氣益雄，磊磊落落來江東。
爭衡天下不自小，擣虛襲許志空抱。
他日可憐吳大帝，卑辭上書求改厲。

伏龍吟

南陽有草廬，門閉長不開。
但聞梁甫吟，清風飄然來。
借問此何日，寫此孤吟懷。
兵塵滿天地，萬里生蒿萊。
太勢亦已分，寸土皆雄才。
後車荀水濱，心豈得自怡。
龍起大澤中，橫空風雨飛。
風雨未及時，臥吟滄海湄。

焦隱士

漢之季，天地否，小人蠱起，白不厭黑，朱不厭紫。
不如委身泥塗，不聞不問，囊括清靜理。
當時名人巨公，朝報謁，不得旨，夕報謁，不得旨。
猶嗟孝然古君子，古君子乃如此。
天下事可知矣。

奈何降

噫噉乎，開蜀之難難於上青天。
失蜀之易易於墜深淵。
上青天，墜深淵，一死何顏到九泉。
況乃銜璧輿櫬，馬首前，諫爭不得腸內熱。
縣竹戰後哭昭烈，拔劍直刺心頭血。
血流巴水恨無窮，樂莫樂兮安樂公。

井子三

長橋蛟，終夜無風生波濤。
南山虎，白晝啗人血爲乳。
周子隱，不修細行暴鄉井。
一朝奮發衆患捐，丈夫從

善如轉圜。效節致死。真大賢。所以學者貴勵志。惡人且可祀上帝。不然西子亦掩鼻。

義皇人

天壤寬。歸去來。絕俗累。與物諧。春之日。倉庚飛。園柳垂。夏之日。新水滋。良苗肥。秋之日。菊有花。霜正威。冬之日。孤松寒。雪聲希。胡不歸。及是時。登東臯。降清溪。采菊英。折松枝。尋獨趣。飲奇懷。遇故人。相與攜。亦有酒。斟酌之。往無追。來無期。天無情。物無私。樂吾樂。復何爲。

無卿比

百里本虞人。子胥亦楚產。行乞以吳強。食牛以秦顯。有才故國不能用。焉得蓬門老僊蹇。忍俊不禁乃變計。投身異族豈初願。不見北海鬻舂人。委志秦苻始一展。江東正朔勿復圖。臨卒猶聞相勸勉。可惜當時桓將軍。盛氣凌人空白眼。

璇璣圖

朝望襄陽路。莫望襄陽路。隱隱約約遠有人。迎之輒復雲中樹。還入門。淚如雨。雲窗織機絲。機聲札札不得住。長夜漫漫不得曙。腸中轉轆轤。此心更誰語。曲復曲兮無已時。回復回兮盡尺素。尺素書。涕疊疊。襄陽人。歸不歸。

女從征

邊境苦戰鬪。日夜聞點兵。阿爺久臥病。長官猶署名。欲往既不克。又不能緩徵。嗟蘭出深閨。仗劍非所能。

顧瞻老與幼。俯仰心屏營。回頭語長官。生死赴前程。怒迫亦何爲。遠戍自有人。解脫羅縲裳。挽去青絲繩。磨刀臨長河。秣馬從大陵。上堂拜阿爺。兒戍自此行。兒雖弱齡女。或可備一丁。阿爺心悲摧。爾生不出門。邊庭萬餘里。日與死相爭。汝父病衰朽。遠慮難爲情。兒去勿復慮。天地猶門庭。未必卽捐軀。軍功豈無成。家有阿弟妹。爺善保餘生。揮手不返顧。出門涕縱橫。悲風起四野。四山聞哭聲。離家日以遠。旅思日以增。棄絕骨肉恩。卒伍爲弟兄。究匪我匹儔。魂夢恆自驚。黃沙蔽大漠。白日照邊城。萬籟聲蕭蕭。胡馬東西鳴。百感并一時。爭禁歷有年。瓜期杏難待。日夕望其更。可汗幸憐憫。許我歸家庭。古道出榛莽。一一故所經。忽憶去阿爺。羸弱坐不勝。隔絕十年餘。得毋歸九京。蘭卽不道死。入門誰歡迎。仰天發長歎。飛鳥爲之停。家人聞戍旋。阿女歸未曾。可憐戰骨朽。傳言何足憑。徙倚正門首。兩耳已聲騰。相見各驚詫。諦視還涕零。別後未及詳。且問近晏寧。弟妹急持手。此生猶合并。鄰人爭慰藉。嗟此事不恆。同時千百羣。始知巾幗雄。

洗夫人

中州戎馬不得息兮。百越部落遠遁匿兮。高涼夫人德無極兮。

女主昌

宮人侍唐業基。女主昌唐業危。一興一衰當告誰。

昌宗裘

昌宗小兒亂宮府。聖神皇帝爾與汝。不可遠近獨梁公。縱博褫裘戲且侮。戲汝侮汝汝不知。告汝已薦張。

束之。

皇嗣寬

南有箕，舌下垂。母爲君，子可疑。子心尙可疑，臣心當告誰。朝鼓琴，琴聲悲。暮鼓瑟，瑟聲哀。仰頭白日無光輝，袖刀刺心能淋漓。君兮母兮當知之。

神仙骨

吾聞神仙不與世人居，深山大壑藏太虛。鄴侯乃仙骨，出入承明廬。一時雖無赫赫功，處人骨肉近所無。子房昔辟穀，漢高逐秦鹿。孝惠羽翼成，海內飛黃鵠。功成不受賞，長揖歸空谷。神仙虛無焉足多，精神事業貴不磨。東方滑稽較若何。

臥累月

今年臥華山，明歲臥太嶽。世事紛更夢不醒，天子呼來睡未覺。自是搏心有所得，自是搏術有可學。搏亦無所得，搏亦無可學。死灰槁木不足言，同德致治所當勛。臣愚不能相助理，歸來仍向空山宿。

錢塘弩

一人巍巍天下主，大海蕩蕩百谷宗。朝宗之水必就下，猶之守土必靖共。在昔東南最爲患，錢塘江上潮涌洶。初起颯颯風四至，須臾怒立排長空。有若橫衝百萬騎，又如高插千仞峯。居民錯遷失魂魄，沿江屋瓦如飄蓬。錢王少年一見皆盡裂，奮身不顧操長弓。詞直氣雄百靈懾，強弩一發潮爲東。吁嗟我王起兩

潮鬼神聽命民從風。驍勇積戰有奇績。遂復保障此南邦。殺宏誅昌以事大。江漢歸海將毋同。至今錢塘潮平不逆起。嗚呼大哉錢王功。

我陳東

太學錄長痛哭。不誅六賊謝四方。天下生民日荼毒。不留李綱在朝廷。二帝蒙塵幾時復。當時臺諫不啓齒。豈有言責到吾子。搥登聞鼓且上書。殺身報國亦已矣。我陳東不畏死。畏死之人敢如此。

鷓鴣篇

鷓鴣復鷓鴣。飛鳴叢薄間。巢生八九子。各自豐羽翰。白日不敢出。黑夜爭翻翻。得食競喧呼。兄弟相摧殘。匪惟兄弟殘。子與父爲患。惡名豈足恤。方寸胡獨安。驅馬出東門。瑟瑟風滿天。強弩不在手。對之心煩冤。回顧西林鳥。哀鳴高樹巔。

桑間篇

桑間多麗人。容華耀朝暉。手持輕羅袖。腰結香纓綃。纖纖作細步。曲曲揚脩眉。徐行溪水上。閒采芳草歸。芳草有餘慕。蝴蝶隨飛飛。飛飛入房闥。團扇不忍揮。且恐秋風生。懷抱相與違。王鳩亦有匹。相鼠亦有皮。豈不美顏色。胡爲心執迷。我聞秦羅敷。薄莫空掩閨。下畏露水多。上畏天日輝。

廬陽古跡三首

小吏港

焦家有小婦。恩愛兩不疑。一失阿母歡。長此生別離。雖然生別離。同心誓莫違。磐石尚可轉。蒲葦會有衰。羅敷匪子思。郎君非我儀。高高天在上。逼迫亦何爲。悲風起蘋末。樹木聲淒淒。女沈男自縊。九原一時歸。生則爲孔雀。徘徊東南飛。死則爲鴛鴦。哀鳴相與依。嗟嗟世風薄。貴賤情轉移。翁子行負薪。百里吹屨屨。驅車過港側。摧藏馬悲嘶。

李陵山

杖策李陵山。投足李陵廟。曉日正當門。亂壑光照曜。萬籟忽然至。仰天發長嘯。慨彼廣數奇。功多不獲報。將軍有父風。失意亦可悼。當時五千騎。縱橫出邊徼。已喪單于膽。復遇賊人教。身敗骨肉刑。舉室無遺噍。雖存沫蠹心。焉得犬馬效。慚愧史遷室。寂寞蘇武窖。國士無人知。落魄沒海嶠。送別上河梁。今古尙絕調。冶父山

雷電出山左。日月出山右。列星出山前。芙蓉出山後。熊熊復炯炯。迫視不敢就。久乃知古人。鑄劍此石竇。破地取鐵英。異物悉奔湊。造爲大小刑。精靈洩宇宙。藏之神鬼驚。把之虎豹走。薛燭忽如敗。風胡駭欲仆。小試斷吳頭。大用復誰鬪。沈沒已千載。鑪囊亦非舊。三百六十切。尙覺芒刃透。西川正有事。黃狐跳白晝。安得昔純鉤。一揮滅殘寇。

七賢詠

嵇中散

典午弛綱紀。濁亂天下心。皎皎嵇大夫。風清修竹林。任俠遺世事。箕踞發長吟。鍾會自聞見。湯武亦所輕。以此冒刑殺。咄哉空養生。詩才雖云多。識寡終亡身。曠懷孫子言。至鑒歷古今。

阮步兵

古人不可追。來者知誰是。長嘯過蘇門。落日悲風起。嘯甚哭隨之。入世途窮矣。飲酒且忘情。時坐竹聲裏。獨惜母亡時。猶聞賭棋子。

山典選

山公眞賢臺。至性在天地。慕親無已時。波流日東逝。負土成高邱。參天松柏翠。子子而臣臣。愛國亦深摯。伐吳去外患。恐逸主上志。吁嗟忠孝心。千秋萬世事。

劉參軍

居心無空闊。出門眺大荒。俯仰不可見。四野何茫茫。高樹搖天風。飛鳥當朝陽。鹿車任所之。誰與共翱翔。沈飲臥車下。荷鍤隨車旁。死生但一氣。人世安足傷。卓哉劉參軍。千里駒昂昂。

阮始平

鳳皇棲高岡。不與雞鶩鳴。丈夫志四方。豈暱兒女情。阿咸青雲器。何以累騎行。泉水墮飛花。觀者忘其清。竹林歌桑閒。誰復采其聲。

向常侍

山陽居河內。中有人灌園。流水自成趣。幽鳥相與言。得意展羣書。坐讀秋樹根。析疑借嵇呂。欣賞引壺樽。斯世不復問。野風時閉門。

王司徒

君子惡下流。不居利名閒。皎如冰入壺。淡若雲在山。鑽核者爲誰。斷斷殊未閒。財雄於一時。鞍馬耀人寰。蓋棺事則已。荆棘生纓冠。我思首陽子。高風不可攀。

擬陶徵君田居

春風入庭樹。好鳥東西鳴。鄰叟荷鋤至。招邀隴首耕。飯牛出門去。牛在人前行。登皋望四野。草木已懷新。萬物各有得。予亦悅私情。取琴一再彈。涓涓泉水清。

飲酒七首

自有此一身。寒衣而飢食。譬彼水與火。須臾不可失。旨酒雖我需。日飲則不必。適可怡爾情。過當賊乃德。世人賤形骸。歡娛不自持。時或縱所往。有酒便酌之。雞豬與魚蒜。大嚼無容儀。在樂未及終。白日西南馳。夜深更秉燭。一飲千百杯。坐起每失次。主客爭喧脞。風急鳥亂啼。月落霜暗飛。侍兒僵庭隅。不知是阿誰。少壯自揮霍。儒者亦復勇。四顧若無人。掉舌如泉涌。唯口易與戎。得酒益詢詢。區區方丈前。山岳爲振動。或令響如雷。或鼓聲四起。或仰天高歌。或笑不可止。或辯如樹敵。或睚如愛子。但覺危匝生。那知溝壑死。我讀七月詩。衣食言至詳。惟酒兩及之。一曰稱公堂。一曰介眉壽。尊親養煌煌。誠哉不可無。夫豈樂而荒。

古謂酒如兵。我譬若小人。始似適吾用。繼乃益見親。久久不能去。必與禍爲鄰。寄語我友朋。割愛以全身。將至棲霞

鍾山出我後。前峯橫翠微。路開光已夕。夜月流清輝。長風從空來。飄飄吹客衣。野火漏檐隙。遙指山人扉。心遠道轉迴。中情靡依依。且行莫復顧。薄雲巖際飛。

白鹿池

側身入蒼翠。山色落吾掌。颯爽起中阿。滿耳滴清響。野水合澗泉。微波自滉漾。倒映秋樹根。時見秋雲上。中有三折橋。仙人此來往。白鹿今尚存。臨流發遠想。

最高峯

既穿近山穴。復上最高頂。盤旋秋樹巔。足縮不得騁。仰視太虛亭。白日宕寒景。飛鳥此難過。層巒猶蒼冥。轉轉及高峯。踟躕乃一逞。回顧所來徑。曲折盤修綆。

棲霞山中寄趙東田二首

木葉下隴坂。秋風生巖阿。故人渺天末。我心當如何。登高望行舟。悠悠去長河。寄聲長年人。江湖多風波。離居幾何時。日與衆山接。玩奇不厭深。頗覺素心愜。仰視飛鳥羣。中情忽憂悵。豈無平生親。蒼茫子獨立。

陋室吟并序

室廣不數武。逼近市塵。且陋甚。不蔽風日。余端居淡泊。性復嗜懶。不作未雨之計。時值歲晏。嚴霜